

佛說阿難經 重譯薩婆佛經 過度道經 卷二 字

吳昌文國居士支謙譯

佛在羅閱祇者闍崛山中時有摩訶比丘僧萬二千人皆淨潔一種類皆阿羅漢賢者拘鄰賢者拔智致賢者摩訶那彌賢者合尸賢者須滿日賢者維末拉賢者不迺賢者迦為拔拉賢者憂為迦葉賢者那履迦葉賢者那翼迦葉賢者舍利弗賢者摩訶目捷連賢者摩訶迦葉賢者摩訶迦旃延賢者摩訶揭實賢者摩訶拘私賢者摩訶梵提賢者那提文陀弗賢者阿難律賢者難提賢者臘脾拉賢者須楓賢者墨越賢者摩訶羅倪賢者摩訶波羅延賢者波鳩墨賢者難持賢者滿楓墨賢者蔡揭賢者厲越如是諸比丘僧甚眾多數千億萬人悉諸菩薩阿羅漢無央數不可復計都共大會坐皆賢者也時佛坐息思念正道面有九色光數千百變光色甚大明阿難即起更被袈裟前以頭面著佛足即長跪叉手問佛言今日佛

阿難經上卷 第二張 字

面光色何以時時更變明乃尔乎今佛面光精數千百色上下明好乃如是是我侍佛已來未曾見佛面有如今日色者我未曾見三耶三佛光明威神乃尔獨當有意願欲聞之佛言賢者阿難有諸天神教汝若諸佛教汝今問我者耶汝自從善意出問佛耶阿難白佛言無有諸天神教我亦無諸佛教我今問佛也我自從善心知佛意問佛尔每佛坐起行來出入所欲至到當所作為諸所教勅者我輒如佛意今佛獨當念諸已過去佛諸當來佛若他方佛國今現在佛獨展轉相思念故佛面色光明乃尔耳佛言善哉善哉賢者阿難汝所問者甚深大快多所度脫若問佛者勝於供養一天下阿羅漢辟支佛布施諸天人及及銷飛蠕動之類累劫百千億万倍也佛言阿難今諸天世間帝王人民及銷飛蠕動之類汝皆度脫之佛言佛威神甚重難當也汝所問者甚深汝乃慈心於佛所哀諸天帝王人民若比丘僧比丘尼優婆塞優婆

阿難經上卷 第三張 字

夷大善當尔皆過度之佛語阿難如世間有優曇樹但有實無有華也天下有佛乃有華出耳世間有佛甚難得值也今我出於天下作佛若有大德聖明善心豫知佛意若不妄在佛邊侍佛也佛告阿難前已過去事摩訶僧祇已來其劫無央數不可復計乃尔時有過去佛名提瑟竭羅次復有佛名旃陀倚已過去次復有佛名渙摩扶劫波薩多已過去次復有佛名維末樓已過去次復有佛名阿難那利已過去次復有佛名那竭脾已過去次復有佛名者梨俱還波羅夜蔡已過去次復有佛名彌離俱樓已過去次復有佛名軼陀尼已過去次復有佛名朱蹄波已過去次復有佛名凡扶拉已過去次復有佛名墮樓勒耶已過去次復有佛名旃陀庵斯已過去次復有佛名須耶惟于沙已過去次復有佛名拘還弥鉢摩耆已過去次復有佛名屍利滑鼓已過去次復有佛名摩訶那提已過去次復有佛名耆頭摩提已過去次復有佛

名羅鄰祇離已過去次復有佛名俞
樓俱路蔡已過去次復有佛名滿呼
羣尼鉢賓願已過去次復有佛名旃
陀迦吏拔起沙已過去次復有佛名
旃陀蔡拘岑已過去次復有佛名潘
波盞頻尼已過去次復有佛名輟波
恕斯已過去次復有佛名阿術祇陀
揭盞已過去次復有佛名勿署提已
過去次復有佛名質夜蔡已過去次
復有佛名曇摩起提已過去次復有佛
名諦耶維願質已過去次復有佛名
樓耶帶已過去次復有佛名僧迦羅
弥樓迦帶已過去次復有佛名曇昧
摩提阿維難提已過去佛告阿難次
復有佛名樓夷亘羅在世間教授壽
四十二劫乃尔時世有大國王王聞佛
經道心即歡喜開解便棄國捐王行
作沙門字曇摩迦作菩薩道為人高
才智慧勇猛與世人絕異往到樓夷
亘羅佛所前為佛作礼却長跪叉手
白佛言我欲求佛為菩薩道令我後
作佛時於八方上下諸無央數佛中
敬尊智慧勇猛頭中光明如佛光明

所焰照無極所居國土自然七寶極
自軟好令我後作佛時教授名字皆
聞八方上下无央數佛國莫不聞知
我名字者諸無央數天人民及蜎飛
蠕動之類諸來生我國者悉皆令作
菩薩阿羅漢无央數都勝諸佛國如
是者寧可得不得佛語阿難其樓夷亘
羅佛知其高明所願快善即為曇摩
迦菩薩說經言譬如天下大海水一
人斗量之一劫不止尚可枯盡令空
得其底渥人至心求道何如當不可
得乎求索精進不休止會當得心中
所欲願尔曇摩迦菩薩聞樓夷亘羅
佛說經如是即大歡喜踊躍其佛即
選擇二百一十億佛國土中諸天人
民之善惡國土之好醜為選擇心中
所欲願夷亘羅佛說經竟曇摩迦便
一其心即得天眼微視悉自見二百
一十億諸佛國中諸天人民之善惡
國土之好醜即選擇心中所願便結
得是二十四願經則奉行之精進勇
猛勤苦求索如是無央數劫所師事
供養諸已過去佛亦无央數其曇摩

迦菩薩至其然後自致得作佛名阿
彌陀佛軍尊智慧勇猛光明無比今
現在所居國土甚快善在他方異佛
國教授八方上下諸無央數天人民
及蜎飛蠕動之類莫不得過度解脫
憂苦佛語阿難阿彌陀佛為菩薩時
常奉行是二十四願珍寶愛重保持
恭慎精禪從之與眾起絕卓然有異
皆無有能及者佛言何為二十四願
第一願使某作佛時令我國中无有
泥犁禽獸薺薺蜎飛蠕動之類得是
願乃作佛不得是願終不作佛
第二願使某作佛時令我國中无有
婦人女人欲來生我國中者即作男
子諸無央數天人民蜎飛蠕動之類
來生我國者皆於七寶水池蓮華中
化生長大皆作菩薩阿羅漢都无央
數得是願乃作佛不得是願終不
作佛
第三願使某作佛時令我國土自然
七寶廣縱甚大曠蕩無極自軟好所
居舍宅被服飲食都皆自然皆如第
六天王所居處得是願乃作佛不得

阿彌陀經上卷 第七張 字 末
是願終不作佛

第四願使某作佛時令我名字皆聞
八方上下無央數佛國皆令諸佛各
於比丘僧大坐中說我功德國土之
善諸天人民蛸飛蠕動之類聞我名
字莫不慈心歡喜踊躍者皆令來生
我國得是願乃作佛不得是願終不
作佛

第五願使某作佛時令八方上下諸
無央數天人民及蛸飛蠕動之類若
前世作惡聞我名字欲來生我國者
即便反政自悔過為道作善便持經
戒願欲生我國不斷絕壽終皆令不
復泥犁禽獸薜荔即生我國在心
所願得是願乃作佛不得是願終不
作佛

第六願使某作佛時令八方上下無
央數佛國諸天人民若善男子善女
人欲來生我國用我故益作善若分
檀布施遠塔燒香散花然燈懸雜繒
綵飯食沙門起塔作寺斷愛欲來生
我國作菩薩得是願乃作佛不得是
願終不作佛

阿彌陀經上卷 第八張 字 末
第七願使某作佛時令八方上下無
央數佛國諸天人民若善男子善女

人有作菩薩道奉行六波羅蜜經若
作沙門不毀經戒斷愛欲齋戒清淨
一心念欲生我國晝夜不斷絕若其
人壽欲終時我即與諸菩薩阿羅漢
共飛行迎之即來生我國則作阿惟
越致菩薩智慧勇猛得是願乃作佛
不得是願終不作佛

第八願使某作佛時令我國中諸菩
薩欲到他方佛國生皆令不更泥犁
禽獸薜荔皆令得佛道得是願乃作
佛不得是願終不作佛

第九願使某作佛時令我國中諸菩
薩阿羅漢面目皆端正淨潔姝好悉
同一色都一種類皆如第六天人得
是願乃作佛不得是願終不作佛

第十願使某作佛時令我國中諸菩
薩阿羅漢皆同一心所念所欲言者
豫相知意得是願乃作佛不得是願
終不作佛

第十一願使某作佛時令我國中諸
菩薩阿羅漢皆無有淫泆之心終无

阿彌陀經上卷 第九張 字 末
念婦女意終無有瞋怒愚癡者得是
願乃作佛不得是願終不作佛

第十二願使某作佛時令我國中諸
菩薩阿羅漢皆令心相敬愛終无相
嫉憎者得是願乃作佛不得是願終
不作佛

第十三願使某作佛時令我國中諸
菩薩欲共供養八方上下無央數諸
佛皆令飛行即到欲得自然萬種之
物即皆在前持用供養諸佛悉皆遍
已後日未中時即飛行還我國得是
願乃作佛不得是願終不作佛

第十四願使某作佛時令我國中諸
菩薩阿羅漢欲飯時即皆自然七寶
鉢中有自然百味飯食在前食已自
然去得是願乃作佛不得是願終不
作佛

第十五願使某作佛時令我國中諸
菩薩身皆紫磨金色三十二相八十
種好皆令如佛得是願乃作佛不得
是願終不作佛

第十六願使某作佛時令我國中諸
菩薩阿羅漢語者如三百鐘聲說經

行道皆如佛得是願乃作佛不得是願終不作佛

第十七願使某作佛時令我洞視徹聽飛行十倍勝於諸佛得是願乃作佛不得是願終不作佛

第十八願使某作佛時令我智慧說經行道十倍於諸佛得是願乃作佛不得是願終不作佛

第十九願使某作佛時令八方上下

無央數佛國諸天人民蜎飛蠕動之類皆令得人道悉作辟支佛阿羅漢皆坐禪一心共欲計數知我年壽幾千億萬劫歲數皆令無有能極知壽者得是願乃作佛不得是願終不作佛

第二十願者使某作佛時令八方上下各千億佛國中諸天人民蜎飛蠕動之類皆令作辟支佛阿羅漢皆坐禪一心共欲計數我國中諸菩薩阿羅漢知有幾千億萬人皆令无有能知數者得是願乃作佛不得是願終不作佛

第二十一願使某作佛時令我國中諸菩薩阿羅漢壽命無央數劫得是

願乃作佛不得是願終不作佛

第二十二願使某作佛時令我國中諸菩薩阿羅漢皆智慧勇猛自知前世億萬劫時宿命所作善惡却知無極皆洞視徹知十方去來現在之事得是願乃作佛不得是願終不作佛

第二十三願使某作佛時令我國中諸菩薩阿羅漢皆智慧勇猛頂中皆有光明得是願乃作佛不得是願終不作佛

第二十四願使某作佛時令我頂中光明絕好勝於日月之明百千億萬倍絕勝諸佛光明焰照諸无央數天下幽冥之處皆當大明諸天人民蜎飛蠕動之類見我光明莫不慈心作善者皆令來生我國得是願乃作佛不得是願終不作佛

佛告阿難阿彌陀為菩薩時常奉行是二十四願分檀布施不犯道禁忍辱精進一心智慧志願常勇猛不毀經法求索不懈每獨棄國捐王絕去財色精明求願無所適莫積功累德無央數劫今自致作佛悉皆得之不止

其功也佛言阿彌陀佛光明最尊第

一無比諸佛光明皆所不及也八方上下無央數諸佛中有佛頂中光明照七丈有佛頂中光明照一里有佛頂中光明照二里有佛頂中光明照五里有佛頂中光明照十里有佛頂中光明照二十里有佛頂中光明照四十里有佛頂中光明照八十里有佛頂中光明照百六十里有佛頂中光明照三百二十里有佛頂中光明照六百四十里有佛頂中光明照千三百里有佛頂中光明照二千六百里有佛頂中光明照五千二百里有佛頂中光明照萬四百里有佛頂中光明照二萬一千里有佛頂中光明照四萬二千里有佛頂中光明照八萬四千里有佛頂中光明照十七萬里有佛頂中光明照三十五萬里有佛頂中光明照七十七萬里有佛頂中光明照百五十萬里有佛頂中光明照三百萬里有佛頂中光明照六百萬里有佛頂中光明照一佛國有佛頂中光明照兩佛國有佛頂中光明照四佛國有佛頂中光明照八佛國有佛頂中

中光明照十五佛國有佛頂中光明

照寂大諸佛光明皆所不能及也

照三十佛國有佛頂中光明照六十

佛稱譽阿彌陀佛光明極善阿彌陀

佛國有佛頂中光明照百二十佛國

佛光明極善善中明好其快無比絕

有佛頂中光明照一百四十佛國有

殊无極也阿彌陀佛光明清淨無瑕

佛頂中光明照五百佛國有佛頂中

穢無缺減也阿彌陀佛光明殊好勝

光明照千佛國有佛頂中光明照二

於日月之明百千億万倍諸佛光明

千佛國有佛頂中光明照四千佛國

中之極明也光明中之極好也光明

有佛頂中光明照八千佛國有佛頂

中之極雄傑也光明中之快善也諸

中光明照万六千佛國有佛頂中光

佛中之王也光明中之極尊也光明

明照三万二千佛國有佛頂中光明

中之寂明無極也焰照諸無數天下

照六万四千佛國有佛頂中光明照

幽冥之處皆常大明諸有人民銷飛

十三万佛國有佛頂中光明照二十

蟬動之類莫不見阿彌陀佛光明也

六万佛國有佛頂中光明照五十万

見者莫不慈心歡喜者世間諸有姪

佛國有佛頂中光明照百万佛國有

洪瞋怒愚癡者見阿彌陀佛光明莫

佛頂中光明照二百万佛國佛言諸

不作善也諸在泥犁禽獸薊荔掠

八方上下無央數佛頂中光明所照

勤苦之處見阿彌陀佛光明至皆休

照皆如是也阿彌陀佛頂中光明所

止不復治死後莫不得解脫憂苦者

焰照千万佛國所以諸佛光明所照

也阿彌陀佛光明名聞八方上下無

有迹逮者何本其前世宿命求道為

寧无極無央數諸佛國諸天人民莫

菩薩時所願功德各自有大小至其

不聞知聞知者莫不度脫也佛言不

然後作佛時各自得之是故令光明

獨我稱譽阿彌陀佛光明也八方上

轉不同等諸佛威神同等余自在意

下無央數佛辟支佛菩薩阿羅漢所

善女人聞阿彌陀佛聲稱譽光明朝

暮常稱譽其光明好至心不斷絕在

心所願往生阿彌陀佛國可得為衆

菩薩阿羅漢所尊敬若其然後作佛

者亦當復為八方上下諸無央數佛

辟支佛菩薩阿羅漢所稱譽光明如

是也即衆比丘僧諸菩薩阿羅漢諸

天帝王人民聞之皆歡喜踊躍莫不

讚歎者佛言我道阿彌陀佛光明殊

好巍巍稱譽伎善晝夜一切尚未竟

也我但為若曹小說之耳

佛說阿彌陀佛為菩薩求索得是二

十四願時阿闍世王太子與五百長

者迦羅越子各持一金華蓋俱到佛

所前為作礼佛以頭面著佛足皆持

金華蓋前上佛已悉却坐一面聽經

阿闍世王太子及五百長者子聞阿

彌陀佛二十四願皆大歡喜踊躍心

中俱願言令我等後作佛時皆如阿

彌陀佛佛即知之告諸比丘僧是阿

闍世王太子及五百長者子却後无

數劫皆當作佛如阿彌陀佛佛言是

阿闍世王太子及五百長者子住菩

阿彌陀經上卷 第十六張 字
薩道已來無央數劫皆各供養四百
億佛已今復來供養我阿闍世王太
子及五百長者子皆前世迦葉佛時
為我作弟子今皆復會是我相值也
則諸比丘僧聞佛言皆踊躍莫不代
之歡喜者

佛告阿難阿彌陀作佛已來凡十小
劫所居國土名須摩題正在西方去
是閻浮提地界千億萬須彌山佛國
其國地皆自然七寶其一寶者白銀
二寶者黃金三寶者水精四寶者琉
璃五寶者珊瑚六寶者琥珀七寶者
車渠是為七寶皆以自共為地曠蕩
甚大無極皆自相參轉相入中各自
煇煌參明極自軟好甚殊無比其七
寶地諸八方上下眾寶中精味自然
合會其化生耳其實皆比第六天上
之七寶也其國中無有須彌山其日
月星辰第一四天王第二忉利天皆
在虛空中其國土無有大海亦無有
小海水亦無江河恒水也亦無有山
林溪谷無有幽冥之處其國七寶地
皆正正無有泥犁禽獸毒蟲諸飛鳥

動之類無有阿須倫諸龍鬼神終无
天雨時亦无有春夏秋冬亦無大寒亦
無大熱常和調中適甚快善無比皆
有自然萬種之物百味飯食意欲有
所得即自然在前所不用者即自然
去比如第六天上自然之物恣若自
然即皆隨意其國中悉諸菩薩阿羅
漢無有婦女壽命无央數劫女人往
生即化作男子但有諸菩薩阿羅漢
無央數悉皆洞視徹聽悉遙相見遙
相瞻望遙相聞語聲悉皆求道善者
同一種類無有異人其諸菩薩阿羅
漢面目皆端正淨潔絕好悉同一色
無有偏醜惡者也諸菩薩阿羅漢皆
才猛黠慧皆衣自然之衣心中所念
道德其欲語言皆豫相知意所念言
常說正事所語輒說經道不說他
餘之惡其語言音響如三百鐘聲皆
相敬愛無相嫉憎者皆以長幼上下
先後言之以義如札轉相敬事如兄
如弟以仁履義不妄動作言語如誠
轉相教令不相違戾轉相承受皆心
淨潔无所貪慕終無瞋怒淫佚之

心愚癡之態无有邪心念婦女意悲
皆智慧勇猛和心歡樂好喜經道自
知前世所從來生億萬劫時宿命善
惡存亡現在却知無極阿彌陀佛所
可教授講堂精舍皆復自然七寶金
銀水精琉璃白玉虎珀車渠自共相
成甚殊明好絕無比亦無作者不知
所從來亦無持來者亦无所從去阿
彌陀佛所願德重其人作善故論經
語義說經行道講會其中自然化生
舍其講堂精舍皆復有七寶樓觀欄
楯復以金銀水精琉璃白玉虎珀車
渠為瓔珞復以白珠明月珠摩尼珠
為交露覆蓋其上皆自作五音聲甚
好無比諸菩薩阿羅漢所居舍宅皆
復以七寶金銀水精琉璃珊瑚琥珀
車渠馬瑙化生轉共相成其舍宅悉
各有七寶樓觀欄楯復以金銀水精
琉璃白玉虎珀車渠為瓔珞復以白
珠明月珠摩尼珠為交露覆蓋其上
皆各復自作五音聲阿彌陀佛講堂
精舍及諸菩薩阿羅漢所居舍宅中
內外處處皆復有自然流泉浴池皆

與自然七寶俱生金銀水精琉璃虎珀車渠轉共相成淳金池者其水底沙白銀也淳白銀池者其水底沙黃金也淳水精池者其水底沙琉璃也淳琉璃池者其水底沙虎珀也淳虎珀池者其水底沙珊瑚也淳車渠池者其水底沙馬瑙也淳馬瑙池者其水底沙車渠也淳白玉池者其水底沙紫磨金也淳紫磨金池者其水底沙白玉也中復有兩寶共作一池者其水底沙金銀也中復有三寶共作一池者其水底沙金銀水精也中復有四寶共作一池者其水底沙金銀水精琉璃也中有五寶共作一池者其水底沙金銀水精琉璃珊瑚也中有六寶共作一池者其水底沙金銀水精琉璃珊瑚虎珀也中有七寶共作一池者其水底沙金銀水精琉璃珊瑚虎珀車渠也中有浴池長四十里有長八十里者有長百六十里有長三百二十里有長六百四十里有長千二百八十里者有長二千

五百六十里者有長五千一百二十里者有長萬二千四百四十里者有長二萬四千八百八十里者其池縱廣適等是池者皆諸菩薩阿羅漢常所可浴池佛言阿彌陀佛浴池長四萬八千里廣亦四萬八千里其池皆以七寶轉共相成其水底沙白珠明月珠摩尼珠也阿彌陀佛及諸菩薩阿羅漢浴池中水皆清香潔池中皆有香華悉自然生百種華種種異色色異香華枝皆千葉甚香無比也香不可言其華者亦非世間之華復非天上之華此華香都八方上下衆華香中精也自然化生耳其池中水流行轉相灌注其水流行亦不遲不歇皆復作五音聲佛言八方上下無央數佛國諸天人民及蚰飛蠕動之類諸生阿彌陀佛國者皆於七寶水池蓮華中化生便自然長大亦無乳養之者皆食自然之飲食其身體亦非世間人之身體亦非天上人之身體皆積衆善之德悉受自然虛無之身無極之體甚殊好無比佛語阿難如世間貧窮乞

巧人令在帝王邊住者其面目形狀寧類帝王面目形類顏色不阿難言假使王子在帝王邊住者其面目形狀甚醜惡不好不如帝王百千億萬倍也所以者何乞人貧窮困極飲食常惡未常有美食時既惡食不能得飽食食纔支命骨節相撲拄無以自給常乏無有儲飢餓寒凍怔忡愁苦但坐前世為人愚癡無智慳貪不肯慈哀為善博愛施與但欲唐得貪惜飲食獨食嗜美不信施貸後得報償復不信作善後世當得其福蒙控控恨益作衆惡如是壽終財物盡素素無恩德无所恃怙入惡道中坐之適苦然後得出解脫今生為人作於下賤為貧家作子強像人形狀類甚醜衣被弊壞置空獨立不蔽形體乞丐生耳飢寒困苦面目羸劣不類人色坐其前世身之所作受其殃罰亦衆見之莫誰哀者棄捐市道暴露瘦黑醜惡極不及人耳所以帝王人中獨尊寧好者何皆其前世為人時作善信受經道布施恩施德博愛順義慈

仁意與不貪飲食與衆共之無所置
惜都無違爭得其善福壽終德隨不
更惡道今生為人得生王家自然尊
貴獨王典主攬制人民為其雄傑面
目潔白和顏好色身體端正衆共敬
事美食好衣隨心恣意若樂所欲自
然在前都無違爭於人中姝好無憂
快樂面目光澤故乃尔耳佛告阿難
若言是也帝王雖於人中好無比者
當今在遮迦越王邊住者其面形類
甚醜惡不好比如乞人在帝王邊住
耳其帝王面目尚復不如遮迦越王面
色姝好百千億万倍如遮迦越王於天
下絕好無比當今在第二天王邊住
者其面甚醜不好尚復不如帝釋面
類端正姝好百千億万倍如天帝釋
今在第六天王邊住者其面類甚醜
不好尚復不如第六天王面類端正
姝好百千億万倍如第六天王今在
阿彌陀佛國中諸菩薩阿羅漢邊住
者其面甚醜尚復不如阿彌陀佛國
中菩薩阿羅漢面類端正姝好百千
億万倍佛言阿彌陀佛國諸菩薩阿

羅漢面類悉皆端正絕好無比次於
泥洹之道阿彌陀佛及諸菩薩阿羅
漢講堂精舍所居處舍宅中内外浴
池上皆有七寶樹中有淳金樹淳銀
樹淳水精樹淳琉璃樹淳白玉樹淳
珊瑚樹淳琥珀樹淳車渠樹種種各
目異行中有兩寶共作一樹者銀樹
銀根金莖銀枝金葉銀華金寶金樹
者金根銀莖金枝銀葉金華銀寶
水精樹者水精根琉璃莖水精枝琉
璃葉水精華琉璃寶琉璃樹者琉璃
根水精莖琉璃枝水精葉琉璃華水
精寶是二寶共作一樹中復有四寶
共作一樹者水精樹水精根琉璃莖
金枝銀葉水精華琉璃寶琉璃樹者
琉璃根水精莖金枝銀葉水精華琉
璃寶是四寶樹轉共相成各自異行
中復有五寶共作一樹者銀根金莖
水精枝琉璃葉銀華金寶金樹者金
根銀莖水精枝琉璃葉珊瑚華銀寶
水精樹者水精根琉璃莖珊瑚枝銀
葉金華琉璃寶琉璃樹者琉璃根珊
瑚莖水精枝金葉銀華珊瑚寶珊瑚

樹者珊瑚根琉璃莖水精枝金葉銀
華琉璃寶是五寶共作一樹各自異
行中有六寶共作一樹者銀樹銀根
金莖水精枝琉璃葉珊瑚華琥珀寶
金樹者金根銀莖水精枝琉璃葉琥
珀華珊瑚寶水精樹者水精根琉璃莖
珊瑚枝琥珀葉銀華金寶琉璃樹者
琉璃根珊瑚莖琥珀枝水精葉金華
銀寶是六寶樹轉共相成各自異行
中復有七寶共作一樹者銀樹銀根
金莖水精枝琉璃葉珊瑚華琥珀寶
金樹者金根水精莖琉璃枝珊瑚葉
琥珀華銀寶水精樹者水精根琉璃
莖珊瑚枝琥珀葉車渠華白玉寶珊
瑚樹者珊瑚根琥珀莖白玉枝琉璃
葉車渠華明月珠寶琥珀樹者琥珀
根白玉莖珊瑚枝琉璃葉水精華金
寶白玉樹者白玉根車渠華珊瑚枝
虎珀葉金華摩尼珠寶是七寶樹轉
共相成種種各自異行行相值莖莖
自相准枝枝自相值葉葉自相向華
華自相堅實實自相當佛言阿彌陀佛
當講堂精舍中内外七寶浴池繞邊

上諸七寶樹及諸菩薩阿羅漢七寶舍宅中內外七寶浴池繞池邊諸七寶樹數千百重行皆各如是各自作五音聲音聲甚好無比也佛告阿難如世間帝王有百種伎樂音聲不如遮迦越王諸伎樂音聲好百千億萬倍如遮迦越王萬種伎樂音聲尚復不如第二忉利天上諸伎樂一音聲百千億萬倍如忉利天上萬種伎樂之聲尚復不如第六天上一音聲好百千億萬倍如第六天上萬種音樂之聲尚復不如阿彌陀佛國中七寶樹一音聲好百千億萬倍阿彌陀佛國中亦有萬種自然伎樂甚樂無極阿彌陀佛及諸菩薩阿羅漢欲浴時便各自可入其七寶池中浴諸菩薩阿羅漢意欲令水沒足水即沒足意欲令水至膝水即至膝意欲令水至腰水即至腰意欲令水至腋水即至腋意欲令水至頸水即至頸意欲令水自灌身上水即自灌身上意欲令水還復如故水即還復如故若隨意所欲好喜佛言阿彌陀及諸菩薩

阿羅漢皆浴已悉自於一大蓮華上坐即四方自然亂風起其亂風者亦非世間之風亦非天上之風都八方上下衆風中精自然合會化生耳不寒不熱常和調中適甚清涼好無比也徐起不遲不歇適得中宜吹七寶樹皆作五音聲以七寶樹華悉覆其國中皆散佛及諸菩薩阿羅漢上華墮地皆厚四寸極自軟好無比即自然亂風吹萎華悉自然去即復四方自然亂風吹七寶樹樹皆復作五音聲樹華皆自然散佛及諸菩薩阿羅漢上華小萎墮地即自然去即復四方亂風起吹七寶樹如是四反諸菩薩阿羅漢中有但欲聞經者中有但欲聞音樂者中有不欲聞華香者其所欲聞者輒即獨聞之不欲聞者則獨不聞隨意所欲喜樂不違其願也浴訖各自去行道中有在地講經者誦經者說經者口受經者聽經者念經者思道者坐禪者經行者中有在虛空中講經者誦

經者說經者口受經者聽經者念經者思道者坐禪一心者經行者未得須陀洹道者即得須陀洹道未得斯陀含道者即得斯陀含道未得阿羅漢道者即得阿羅漢道未得阿惟越致菩薩者即得阿惟越致各自說經行道悉皆得道莫不歡喜踊躍者也諸菩薩中有意欲供養八方上下無央數諸佛即皆俱前為佛作禮白佛辨行供養八方上下無央數佛佛即然可之即使行諸菩薩皆大歡喜數千億萬人無央數不可復計皆當智慧勇猛各自幡幢飛相追俱共散飛則到八方上下無央數諸佛所皆前為諸佛作禮即便供養意欲得萬種自然之物在前即自然百種雜色華百種雜繒綵百種劫波育衣七寶燈火萬種伎樂悉皆在前其華香萬種自然之物亦非世間之物亦非天上之物也是萬種物都八方上下衆自然合會化生耳意欲得者即自然化生意不用者即化去諸菩薩便共持供養

阿彌陀經上卷 第八張字

諸佛及諸菩薩阿羅漢邊傍前後迴繞周匝在意所欲即輒皆至當是之時快樂不可言也諸菩薩意各欲得四十里華即自然在前復於虛空中共持散諸佛及菩薩阿羅漢上皆在虛空中下向華甚香好小萎墮地即自然亂風吹萎華悉自然去諸菩薩意各復欲得八十里華即自然在前共持散諸佛及諸菩薩阿羅漢上華皆復在虛空中下向小萎墮地即自然亂風吹萎華悉自然去諸菩薩意各復欲得百十里華即自然在前復於虛空中共持散諸佛及諸菩薩阿羅漢上華皆復於虛空中下向小萎墮地即自然亂風吹萎華悉自然去諸菩薩意各復欲得三百二十里華即自然在前復於虛空中持散諸佛及諸菩薩阿羅漢上華於虛空中下向小萎墮地即自然亂風吹萎華悉自然去諸菩薩意各復欲得六百四十里華即自然在前復以散諸佛及諸菩薩阿羅漢上皆在虛空中下向小萎墮地亂風自然吹萎華去諸菩

阿彌陀經上卷 第九張字

薩意各復欲得千二百八十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風自然吹萎華悉自然去諸菩薩意各復欲得二千五百六十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得五千一百二十里華即自然在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得萬二千四百四十里華即皆自然在前復於虛空中共持散諸佛及諸菩薩阿羅漢上小萎墮地亂風吹萎華悉自然去諸菩薩意各復欲得二萬四百八十里華即皆在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得五萬里華即皆在前復於虛空中共持散諸佛及諸菩薩阿羅漢上皆在

阿彌陀經上卷 第十張字

虛空中下向小萎墮地亂風吹萎華悉自然去諸菩薩意各復欲得十萬里華即皆在前諸菩薩復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得二十萬里華即皆在前復於虛空中共持散諸佛及諸菩薩阿羅漢上小萎墮地亂風吹萎華悉自然去諸菩薩意各復欲得四十萬里華即皆在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各復欲得八十里華即皆在前復於虛空中共持散諸佛及諸菩薩阿羅漢上皆在虛空中下向小萎墮地亂風吹萎華悉自然去諸菩薩意各欲得百六十里華即皆在前共持散諸佛及諸菩薩阿羅漢上小萎墮地亂風吹萎華悉自然去諸菩薩意各欲得三百萬里華即皆在前共持散諸佛及諸菩薩阿羅漢上小萎墮地亂風吹萎華自然去諸菩薩意各

欲得六百萬里華即皆在前共持散諸佛及諸菩薩阿羅漢上華都自然合為一華華正端圓周帀各過等華轉倍前華極自軟好勝於前華數千百倍色色異香香不可言諸菩薩皆大歡喜俱於虛空中大共作衆音自然伎樂樂諸佛及諸菩薩阿羅漢當此之時使樂不可言諸菩薩皆悉却坐聽經聽經竟即悲諷誦通重知經道益明智慧即諸佛國中從第一四天上至三十三天上諸天人皆共持天上萬種自然之物來下供養諸菩薩阿羅漢天人皆復於虛空中大共作衆音伎樂諸天人前來者轉去避後來者後來者轉復供養如前更相開避諸天人歡喜聽經大共作音樂當是時快樂無極諸菩薩供養聽經訖竟便皆起為佛作禮而去即復飛到八方上下無央數諸佛所供養聽經皆各如前悉遍已後日未中時各飛還其國為阿彌陀佛作禮皆却坐聽經竟大歡喜佛言阿彌陀佛及諸菩薩阿羅漢欲食時即自然七寶机切波

育鬘疊以為座佛及菩薩皆坐前悉有自然七寶鉢中有百味飲食飲食者亦不類世間亦非天上此百味飲食八方上下衆自然飲食中精味甚香美無比自然化生耳欲得甜酢在所欲得諸菩薩阿羅漢中有欲得金鉢者有欲得銀鉢者有欲得水精鉢者有欲得珊瑚鉢者有欲得虎珀鉢者有欲得白玉鉢者有欲得車渠鉢者有欲得馬瑙鉢者有欲得明月珠鉢者有欲得摩尼珠鉢者有欲得紫磨金鉢者隨意即至亦無所從來亦無供養者自然化生耳諸菩薩阿羅漢皆食食亦不多亦不少悉平等亦不言美惡亦不以美故喜食訖諸飯具鉢机座皆自然化去欲食時乃復化生今諸菩薩阿羅漢皆心淨潔所飲食但用作氣力今皆自然消散摩盡化去

却坐聽經其佛廣說道智大經皆悉聞知莫不歡喜踊躍心開解者即四方自然亂風起吹七寶樹皆作五音聲七寶樹華覆蓋其國皆在虛空中下向其華之香遍一國中皆散阿彌陀佛及諸菩薩阿羅漢上華墮地皆厚四寸小萎即亂風吹萎華自然去四方亂風吹七寶樹華如是四反即第一四天王第二忉利天上至三十二天上諸天人皆持天上萬種自然之物百種雜色華百種雜香百種雜繒綵百種切波育疊衣萬種伎樂轉倍好相勝各持來下為阿彌陀佛作禮供養佛及諸菩薩阿羅漢諸天人皆復大作伎樂樂阿彌陀佛及諸菩薩阿羅漢當是時快樂不可言諸天更相開避後來者轉復供養如前即東方無央數佛國其數不可復計如恒水邊流沙一沙一佛其數如是諸佛各遣諸菩薩无央數不可復計皆飛到阿彌陀佛所作禮聽經皆大歡喜悉起為作禮如去西方北方南方四角諸佛其數各如恒水邊流沙各

造諸菩薩無央數飛到阿彌陀佛所作禮聽經亦復如是即下方上方諸佛其數各如恒水邊流沙皆遣諸菩薩都不可復計飛到阿彌陀佛所作禮聽經更相開避如是終无休絕時也佛言所以諸佛以恒水邊流沙為數者八方上下無央數佛甚大衆多都各不可復計故以恒水邊流沙為數耳

佛語阿難阿彌陀佛為諸菩薩阿羅漢說經竟諸天人民中有未得道者即得道未得須陀洹者即得須陀洹未得斯陀含者即得斯陀含未得阿那含者即得阿那含未得阿羅漢者即得阿羅漢未得阿惟越致菩薩者即得阿惟越致菩薩阿彌陀佛輒隨其宿命時求道心所意願大小隨意為說經授與之即令疾開解得皆悉明慧各自好喜所願經道莫不喜樂誦習之者自諷誦通利无厭無極諸菩薩阿羅漢中有誦經者其音如三百鐘聲中有說經者如疾風暴雨時如是盡一切竟終无懈倦時皆悉智

慧勇猛身體輕便終无痛痒極時行步坐起悉皆才健勇猛如師子中王在深山中有所趣向時無有敢當者無有疑難之意在心所作為不可豫計百千億萬倍是猛師子中王百千億萬倍尚復不如我第二弟子摩訶目犍連勇猛百千億萬倍如摩訶目犍連於諸國菩薩阿羅漢中寂為无比飛行進止智慧勇猛洞視徹聽知八方上下去來現在之事百千億萬倍共合為一智慧當今在阿彌陀佛國中諸羅漢邊其德尚復不及百千億萬倍阿逸菩薩即起前長跪叉手問佛言阿彌陀佛國中諸阿羅漢寧頗有般泥洹去者無願欲聞之佛言若欲知者如是四天下星若見之不阿逸菩薩言唯然見之佛言如我第二弟子摩訶目犍連飛上天上一晝一夜遍數知星有幾枚此四天下星甚衆多不可得計尚復百千億萬倍是星也如天下大海水減去一帝寧能令海水為減知少不耶對曰減去百千億可斗石尚不能令減知少也佛言阿

彌陀佛國諸阿羅漢中雖有般泥洹去者如大海減一帝水亦不能令減諸阿羅漢為減知少也佛言大海減去一溪水寧令減少不對曰減去百千億萬溪水尚不能減知少也佛言減大海一恒水寧能令減知少不對曰減去百千億萬恒水不能令減知少也佛言阿彌陀佛國諸阿羅漢般泥洹去者無央數其在者新得道者亦無央數都不為增減也佛言令天下諸水都流入大海水中寧能令海水增多不對曰不能令增多也所以者何是大海為天下諸水衆善中王故能令耳佛言阿彌陀佛國亦如是悉令八方上下無央數佛國諸無央數天人民鎮飛蠕動之類都往生甚大衆多不可復計阿彌陀佛國諸菩薩阿羅漢衆比丘僧故如常一法不異為增多所以者何阿彌陀佛國為寂使八方上下無央數諸佛國中衆善之王諸佛國中之雄諸佛國中之寶諸佛國中壽之極長久也諸佛國中之衆衆也諸佛國中之廣大也諸

佛國中之都自然之無為寂妙明好
甚樂之無極所以者何阿彌陀佛本
為菩薩時所願勇猛精進不懈累德
所致故能令耳阿逸菩薩即大歡喜
長跪叉手言佛說阿彌陀佛國土使
善明好寂殊無比乃獨令乎佛言阿
彌陀佛國諸菩薩阿羅漢所居七寶
舍宅中有在虛空中者有在地者中
有欲令舍宅寂高者舍宅即高中有
欲令舍宅寂大者舍宅即大中有欲
令舍宅在虛空中者舍宅即在虛空
中皆自然隨意在所作為中有殊不
能令舍宅隨意者所以者何中有能
令舍宅隨意者皆是前世宿命求道
時慈心精進益作諸善德重所致中
有殊不能者皆是前世宿命求道時
不慈心精進益作諸善德薄所致其
所衣被飯食俱自然平等德有大小
別知其勇猛令眾見之耳佛言若見
第六天王所居處不唯然見之佛言
阿彌陀佛國講堂舍宅都復勝第六
天王所居處百千億万倍諸菩薩阿
羅漢悉皆洞視徹聽見知八方上下

去來現在之事復無數天上天下人
民及蜎飛蠕動之類心意所念善惡
口所欲言皆知當何歲何劫得度脫
得人道往生阿彌陀佛國知當作菩
薩阿羅漢皆豫知之諸菩薩阿羅漢
頂中皆悉自有光明所照有大小諸
菩薩中有寂尊兩菩薩常在佛左右
坐侍正論佛常與是兩菩薩共對坐
議八方上下去來現在之事若欲使
是兩菩薩到八方上下無央數諸佛
所即便飛行隨心所欲至到飛行使
疾如佛勇猛無比其一菩薩名蓋樓
亘其一菩薩名摩訶郵鉢光明智慧
寂第一頂中光明各焰照他方千須
彌山佛國中常大明其諸菩薩頂中
光明各照千億万里諸阿羅漢頂中
光明各照七丈佛言世間人民若善
男子善女人若有急恐怖縣官事者
但自歸命是蓋樓亘菩薩摩訶郵鉢
菩薩所無不得解脫者
佛告阿逸菩薩阿彌陀佛頂中光明
極大光明其日月星辰皆在虛空中
住止不可復迴轉運行亦無有精光

其明皆蔽不復見佛光明照國中及
焰照他方佛國常大明終無有冥時
其國無有一日二日亦無五日十日
亦無十五日一月亦無五月十月五
歲十歲亦無百歲千歲亦无万歲億
万歲無百千億万歲無有一劫十劫
百劫千劫無万劫百万劫無千万劫
百億万劫阿彌陀佛光明明無有極
却後無數劫无數劫重復無數劫无
數劫無央數終無有當冥時國土及
諸天終無壞敗時所以者何阿彌陀
佛壽命極長國土甚好故能令耳其
佛尊壽却後无數劫重復無數劫尚
未央般泥洹也於世間教授意欲過
度八方上下諸無央數佛國諸天人
民及蜎飛蠕動之類皆欲使往生其
國悉令得泥洹之道其作菩薩者皆
欲令悉作佛作佛已轉復教授八方
上下諸天人及蜎飛蠕動之類皆
復欲令作佛作佛已復教授諸无央
數天人及蜎飛蠕動之類皆令得泥
洹道去諸可教授弟子者展轉復相
教授轉相度脫至令得須陀洹斯陀

阿彌陀經上卷 第四十號字

舍阿那舍阿羅漢辟支佛道轉相度脫皆得泥洹之道悉如是尚未欲般泥洹阿彌陀佛所度脫展轉如是復住止無數劫無數劫不可復計劫終無般泥洹時八方上下諸無央數天人人民蛸飛蠕動之類其生阿彌陀佛國當作佛者不可復勝數諸作阿羅漢得泥洹道者亦无央數都不可復計阿彌陀佛恩德諸所布施八方上下無窮无極甚深無量快善不可言其智慧教授所出經道布告八方上下諸無央數天上天下甚不原也其經卷數甚衆多不可復計都无有極佛告阿逸菩薩若欲知阿彌陀佛壽命無極時不對曰願皆欲聞知之佛言明聽悉令八方上下諸無央數佛國中諸天人人民蛸飛蠕動之類皆使得入道悉令作辟支佛阿羅漢共坐禪一心都合其智慧為一勇猛共欲計知阿彌陀佛壽命幾千億万劫歲數皆無有能計知者復令他方面各千須弥山佛國中諸天人人民蛸飛蠕動之類皆復使得入道悉令作辟支佛

阿彌陀經上卷 第四十一號字

阿羅漢皆令坐禪一心合其智慧為一勇猛共欲數阿彌陀佛國中諸菩薩阿羅漢知有幾千億万人皆無有能知數者阿彌陀年壽甚長久浩浩照照明善甚深无極無底誰當能知信其者獨佛自信知尔阿逸菩薩聞佛言大歡喜長跪叉手言佛說阿彌陀佛壽命甚長威神尊大智慧光明巍巍快善乃獨如是佛言阿彌陀佛至其然後般泥洹者其蓋樓亘菩薩便當作佛惣領道智典主教授世間及八方上下所過度諸天人人民蛸飛蠕動之類皆令得佛泥洹之道其善福德當復如大師阿彌陀佛住止無央數劫無央數劫不可復計劫准法大師尔乃般泥洹其次摩訶那鉢菩薩當復作佛典主智慧惣領教授所過度福德當復如大師阿彌陀佛止住無央數劫尚復不般泥洹展轉相承受經道甚明國土極善其法如是終無有斷絕不可極也阿難長跪叉手問佛言阿彌陀佛國中無有須弥山其第一四天第二忉

阿彌陀經上卷 第四十二號字

利天皆依因何等住止願欲聞之佛告阿難若有疑意於佛所耶八方上下無窮无極無邊无量諸天下大海水一八斗量之尚可枯盡得其底泥佛智不如是佛言我所見知諸已過去佛如我名字釋迦文佛者復如恒水邊流沙一沙一佛諸當來佛如我名字亦如恒水邊流沙甫始欲求作佛者如我名字亦如恒水邊流沙佛正坐直南向視見南方今現在佛如我名字者復如恒水邊流沙八方上下去來現在諸佛如我名字者各如十恒水邊流沙一沙一佛其數如是佛皆悉豫見知之佛言往昔過去無數劫已來一劫十劫百劫千劫万劫億劫億万億劫中有佛諸已過去佛一佛十佛百佛千佛万佛億佛億万億佛各自有名字不同無有如我名字者甫始當來劫一劫十劫百劫千劫万劫億劫億万億劫中有佛一佛十佛百佛千佛万佛億佛億万億佛各自有名字不同時時乃有一佛如我名字耳諸八方上下無央數

佛國今現在佛次他方異國一佛

阿彌陀經上卷 第四段 字

國十佛國百佛國千佛國萬佛國億佛國億萬佛國中有佛各自有名字多多復不同無如我名字者八方上下無央數諸佛中時時乃有如我名字亦八方上下去來現在其中間曠絕甚遠悠悠迢迢無窮無極佛智亘然甚明探古知今前知無窮却觀未然豫知無極都不可復計甚无央數佛威神尊明皆悉知之佛智慧道德合明都无能問佛經道窮極者佛智慧終不可稱量盡也阿難聞佛言即大恐怖衣毛皆起白佛言我不敢有疑意於佛所以問佛者他方佛國皆有須弥山第一四天第二忉利天皆依因之住止我恐佛般泥洹後儻有諸天人民若比丘僧比丘尼優婆塞優婆夷來問我阿彌陀佛國何以獨無有須弥山其第一四天王第二忉利天皆依因何等住止我當應答之今不問佛者佛去後當持何等語報答之獨佛自知之亦餘人無有能為我解者以是故問佛耳佛言阿

難是第三焰天第四兜術天上至第

阿彌陀經上卷 第四段 字

圖

七梵天皆依因何等住止乎阿難言是諸天皆自然在虛空中住在虛空中住止無所依因佛威神甚重自然所欲作為意欲有所作為不豫計是諸天皆尚在虛空中住止何況佛威神尊重欲有所作為耶阿難聞佛言即大歡喜長跪叉手言佛智慧知八方上下去來現在之事無窮无極無有邊幅甚高大妙絕快善極明好甚無比威神尊重不可當

阿彌陀經卷上

戊戌歲高麗國大藏都監奉
勅彫造

佛告阿逸菩薩其世間人民若善男子善女人願欲往生阿彌陀佛國者有三輩作德有大小轉不相及佛言何等為三輩。第一輩者當去家捨妻子斷愛欲行作沙門就無為之道當作菩薩道奉行六波羅蜜經者作沙門不虧經戒慈心精進不當瞋怒不當與女人交通齋戒清淨心無所貪慕至誠願欲往生阿彌陀佛國常念至心不斷絕者其人便於今世求道時即自然於其卧止夢中見阿彌陀佛及諸菩薩阿羅漢其人壽命欲終時阿彌陀佛即自與諸菩薩阿羅漢共飄飛行迎之則往生阿彌陀佛國便於七寶水池蓮華中化生即自然受身長大則作阿惟越致菩薩便即與諸菩薩共飄飛行供養八方上下諸无央數佛即遠智慧勇猛樂聽經道其心歡樂所居七寶舍宅在虛空中恣隨其意在所欲作為去

阿彌陀佛近佛言諸欲往生阿彌陀佛國者當精進持經戒奉行如是上法者則得往生阿彌陀佛國可得為眾所尊敬是為上第一輩

佛言其中輩者其人願欲往生阿彌陀佛國雖不能去家捨妻子斷愛欲行作沙門者當持經戒無得虧失益作分檀布施常信受佛經語深當作至誠中信飲食諸沙門作佛寺起塔散華燒香然燈懸雜繒綵如是法者無所適莫不當瞋怒齋戒清淨慈心精進斷愛欲念欲往生阿彌陀佛國一日一夜不斷絕者其人便於今世亦復於卧止夢中見阿彌陀佛其人壽命欲終時阿彌陀佛即化令其目自見阿彌陀佛及其國土往至阿彌陀佛國者可得智慧勇猛佛言其人奉行施與如是者若其人然後復中悔心中狐疑不信分檀布施作諸善後世得其福不信有阿彌陀佛國不信有往生其國雖念者其人續念不絕暫信暫不信意志猶豫无所專據續其善願為本故得往生其人壽命

病欲終時阿彌陀佛即自化作形像令其人目自見之口不能復言但心中歡喜踊躍意念言我悔不知益齋戒作善今當往生阿彌陀佛國其人即心自悔過悔過者小老少無所復及其人壽命終盡即往生阿彌陀佛國不能得前至阿彌陀佛所便道見阿彌陀佛國界邊自然七寶城中心便大歡喜便止其城中即於七寶水池蓮華中化生則受身自然長大在城中於是間五百歲其城廣縱各二千里城中亦有七寶舍宅中外內皆有七寶浴池浴池中亦有自然華香繞浴池上亦有七寶樹重行亦皆復作五音聲其欲飲食時前有自然食具百味飲食在所欲得應意皆至其人於城中亦快樂其城中此如第二切利天上自然之物雖念其人城中不能得出復不能得見阿彌陀佛但見其光明心自悔責踊躍喜耳亦復不能得聞經亦復不能得見諸比丘僧亦復不能得見知阿彌陀佛國中諸菩薩阿羅漢狀貌何等類其人愁

若如是比如小適耳佛亦不使令身
行所作自然得之皆心自趣向道入
其城中其人本宿命求道時心口各
異言念無誠信狐疑佛經復不信向
之當自然入惡道中阿彌陀佛哀愍
威神引之去令其人於城中五百歲
乃得出往至阿彌陀佛所聞經心不
開解亦復不得在諸菩薩阿羅漢比
丘僧中聽經以去所居處舍宅在地
不能令舍宅隨意高大在虛空中復
去阿彌陀佛甚大遠不能得近附阿
彌陀佛其人智慧不明知經復少心
不歡喜意不開解其久久亦自當
智慧開解知經明健勇猛心當歡喜
次當復如上第一輩所以者何其人
但坐前世宿命求道時不大持齋戒
毀失經法意志狐疑不信佛語不信
佛經深不信分檀布施作善後世當
得其福復坐中悔不信往生阿彌陀
佛國作德不至心用是故亦是為第
二中輩

佛言其三輩者其人願欲往生阿彌
陀佛國若無所用分檀布施亦不能

燒香散華然燈懸雜繒綵作佛事起
塔飯食諸沙門者當斷愛欲無所貪
慕得經疾慈心精進不當瞋怒齋戒
清淨如是法者當一心念欲往生阿
彌陀佛國晝夜十日不斷絕者壽命
終即往生阿彌陀佛國可得尊敬智
慧勇猛佛言其人作是以後若復中
悔心意狐疑不信作善後世當得其
福不信往生阿彌陀佛國其人雖亦
續得往生其人壽命病欲終時阿彌
陀佛即令其人於卧止夢中見阿彌
陀佛土心中大歡喜意自念言我悔
不知益作諸善今當往生阿彌陀佛
國其人但念是口不能復言即自悔
過悔過者老減少悔无所復及其人
命終即生阿彌陀佛國不能得前至
便道見二千里七寶城中心獨歡喜
便止其中亦復於七寶浴池蓮華中
化生即自然受身長大其城亦復如
前城法比如第二忉利天上自然之
物其人亦復於城中五百歲竟乃得
出至阿彌陀佛所心中大喜其人聽
聞經心不開解意不歡樂智慧不明

知經復少所居舍宅在地不能令舍
宅隨意高大在虛空中復去阿彌陀
佛大遠不能得近附阿彌陀佛亦復如
是第二中輩狐疑者也其久久亦
當智慧開解知經勇猛心當歡樂次
如上第一輩也所以者何皆坐前世
宿命求道時中悔狐疑疑信疑不信
不信作善得其福德皆自然得之亦
隨其功德有所鉉不鉉各自自然趣向
說經行道卓億萬超絕不相及佛言
其欲求作菩薩道生阿彌陀佛國者
其人然後皆當得阿惟越致菩薩阿
惟越致菩薩者皆當有三十二相紫
磨金色八十種好皆當作佛隨所願
在所求欲於他方佛國作佛終不復
更泥犁禽獸薜荔隨其精進求道早晚
之事同等亦求道不休會當得之不
失其所欲願也
佛告阿逸菩薩等諸天帝王人民我
皆語汝曹諸欲往生阿彌陀佛國者
雖不能大精進禪定持經戒者大要
當作善一者不得煞生二者不得盜
竊三者不得淫泆奸愛他人婦女四

者不得調欺五者不得飲酒六者不得兩舌七者不得惡口八者不得妄言九者不得嫉妬十者不得貪婪不得心中有所慳惜不得瞋怒不得愚癡不得隨心嗜欲不得心中悔不得狐疑當作孝順當作至誠忠信當信受佛經語深當信作善後世得其福奉持如是其法不虧失者在心所願可得往生阿彌陀佛國至要當齋戒一心清淨晝夜常念欲往生阿彌陀佛國十日十夜不斷絕我皆慈哀之悲令生阿彌陀佛國佛言世間人以欲慕及賢明居家修善為道者與妻子共居在思好愛欲之中憂念苦多家事忘務不暇大齋一心清淨雖不能得去家棄欲有空閑時自端心意念身作善專精行道十日十夜者殊使不能介自思惟熟按計欲度脫身者下當絕念去憂勿念家事莫與婦人司牀自端正身心斷於愛欲一心齋戒清淨至意念生阿彌陀佛國一日一夜不斷絕者壽終皆往生其國在七寶浴池蓮華中化生可得智慧

勇猛所居七寶舍宅自在意所欲作為可次如上第一輩佛語阿逸菩薩言諸八方上下無央數諸天人民比丘僧比丘尼優婆塞優婆夷往生阿彌陀佛國眾等大會皆共於七寶浴池水中都共人人悉自於一大蓮華一坐皆悉自陳道德行善人人各自說其前世宿命求道時持戒所作善法所從來生本末其所好意經道知經智慧所施行功德從上次下轉皆遍以知經有明不明智有深淺大小德有優劣厚薄自然之道別知才能智慧健猛眾相觀照禮義和順皆自歡喜踊躍智慧有勇猛各不相屬逮佛言其人殊不豫作德為善輕戲不信使然從倚懈怠為用可介至時都集說經道自然迫促應答遲晚道智卓殊超絕才能高猛獨於邊羸臨事乃悔悔者已出其後當復何益但心中悵悵慕及等介佛言阿彌陀佛國諸菩薩阿羅漢眾等大聚會自然都集拘心制意端身正行遊戲洞達俱相隨飛行辭輩出

入供養無極歡心喜樂共觀經行道和好久習才猛智慧志若虛空精進求願心終不復中細意終不復轉終元有懈極時雖求道外若遲緩內獨急疾容容虛空適得其中中表相應自然嚴整檢斂端直身心清淨無有愛欲無所適貪無有眾惡瑕穢其志願皆各安定殊好無增減減求道恕正不誤傾邪准望道法隨經約令不敢違踐跌若於八方上下無有邊幅自在所欲至到無窮無極咸然為道恢廓及曠蕩念道無他之念無有憂思自然無為虛空立恢安無欲作得善願盡心求索含哀慈愍精進中表禮義都合通洞無違和順副稱哀羅表裏過度解脫能升入泥洹長與道德合明自然相保守快意之滋真滋真了潔白志願無上清淨之安定靜樂之元有極善好無有比魏魏之耀照耀照旦開達明徹自然中自然相然之有根本自然成五光五光至九色九色衆迴轉數百千更變鬱單之自然自然成七寶攬攬成万物光精

衆明俱出好甚殊无有極其國土甚若此何不力為善念道之自然著於無上下洞達無邊幅捐志虛空中何不各精進努力自求索可得起絕去往生阿彌陀佛國橫截於五惡道自然閉塞升道之無極易往无有人其國土不逆違自然之隨牽何不棄世事行求道德可得極長生壽无有極何為著世事譏譏共憂思無常世人薄俗共諄不惡之事共於是屢劇忍極苦之中勤身治生用相給活无尊無卑无富無貧无老無少无男無女皆當共憂錢財有无同然憂思適等屏營愁苦累念思慮為心使走無有安時有田憂田有宅憂宅有牛憂牛有馬憂馬有六畜憂六畜有奴婢憂奴婢有衣被錢財金銀寶物復共憂之重思累息憂念愁恐橫為非常水火盜賊怨主債家所漂燒繫唐突沒溺憂毒忪忪无有解時結憤胃中穢氣恚怒病在胃腹憂苦不離心堅意固適无縱捨或坐摧歲終身亡命棄捐之去莫誰隨者尊卑貴賤富有

是憂懼勤苦此結衆寒熱與痛共居小家貧者窮困苦乏无田亦憂欲有田无宅亦憂欲有宅无牛亦憂欲有牛无馬亦憂欲有馬无六畜亦憂欲有六畜無奴婢亦憂欲有奴婢无衣被錢財什物飲食之屬亦憂欲有之適有一復少一有是少是思有齊等適小具有便復賜盡如是苦生當復求索思想無益不能時得身心俱勞坐起不安憂意相隨勤苦如此焦心不離悲恨獨怒亦結衆寒熱與痛同居或時坐之終身天命亦不肯作善為道壽命終盡死皆當獨遠去有所趣向善惡之道莫能知之或時世人父子兄弟夫婦家室中外親屬居天地之間當相敬愛不當相憎有無當相給與不當有貪惜言色當和莫相違戾或儻心諍有所恚怒今世恨意微相嫉憎後世轉劇致成大怨所以者何如今之事更欲相害雖不臨時應急相破然之愁毒結憤精神自然刻識不得相離皆當對相生值更相報復人在世間愛欲之中獨往獨來獨

死獨生當行至苦樂之處身自當之無有代者善惡變化殃咎惡慶宿豫嚴待當獨升入速到他處莫能見去在何所善惡自然追逐行生窈窕冥冥別離久長道路不同會見無期甚難得復相值何不棄家事各易強健時努力為善力精進求度世可得極長壽殊不肯求於道復欲須待欲何樂乎如是世人不信作善得善不信為道得道不信死後世復生不信施與得其福德都不信之今以謂不然終無有是但坐是故且自見之更相代間前後相續轉相承受父餘教令先人祖父素不作善本不為道身愚神闇心塞意閑不見大道殊无有能見人死生有所趣向亦莫能知者適無有見善惡之道復無語者為用作善惡福德殃咎禍罰各自覓作為之用殊无有怵也至於死生之道轉相續立或子哭父或父哭子或弟哭兄或兄哭弟或婦哭夫或夫哭婦顛倒上下無常根本皆當過去不可常得教語開導信道者少皆當死生無有休

山如是曹人瞽冥控突不信經語各欲快意心不計慮愚癡於愛欲不解於道德迷惑於瞋怒貪狼於財色坐之不得道當更勤苦極在惡處生終不得止休息痛之甚可傷或時家室中外父子兄弟夫婦至於死生之義更相夾泣轉相思慕憂念憤結恩愛繞續心意著痛對相顧戀晝夜縛尋无有解時教規道德心不開明思想思好情欲不離閑塞瞽瞋交錯覆蔽不能思計心自端正史斯世事專精行道便旋至竟壽終命盡不能得道无可奈何慙恨憤詭皆貪愛欲如是之法不解道者多得道者少世間忿忿無可聊賴尊卑上下豪貴貧富男女大小各自忿務勤苦躬身懷煞毒惡氣窮冥莫不惆悵為妄作事惡逆天地不從人心道德非惡先隨與之恣聽所為其壽未至便殞奪之下入惡道累世勤苦展轉愁毒數千萬億歲無有止期痛不可言甚可憐愍佛告阿逸菩薩等諸天帝三人民我皆語汝造世間之事人用是故坐不

得道汝曹熟思惟之惡者當縱捨遠離之去從其善者當堅持勿妄為非益作諸善大小多少愛欲之榮皆不可常得由當別離无可樂者易佛世時其有信受佛經語深奉行道德皆是我小弟也其欲有甫學佛經戒者皆是戎弟子其有欲出身去家捨妻子絕去財色欲作沙門為佛作比丘者皆是我子孫我世甚難得值其有願欲生阿彌陀佛國者可得智慧勇猛為衆所尊敬勿得隨心所欲虧負經戒在於人後儻有疑意不解經者復前問佛為汝解之阿逸菩薩長跪叉手言佛威神尊重所說經快善我曹聽經語皆心貫之世人實介如佛所語无有異今佛慈哀我曹開示大道教語生路耳目聰明長得度脫今若得更生我曹聽佛經語莫不慈心歡喜踊躍開解者及諸天帝王人民蛭飛蠕動之類皆蒙恩无不解脫憂苦者佛語教戒甚深善無極无底佛智慧所見知八方上下去來現在之事無上无下無邊无幅佛甚難得聞

我曹比慈心於佛所令我曹得度脫者皆是佛前世求道時勤苦學問精明所致恩德普覆所施行福德相祿巍巍光明徹照洞虛無極貫入泥洹教授攬典制威消化改動八方上下无窮無極佛為師法尊絕羣聖都无能及佛者佛為八方上下諸天帝王人民作師隨其心所欲願大小皆令得道今我曹得與佛相見得聞阿彌陀佛聲我曹甚喜莫不得點慧開明者佛告阿逸菩薩若言是實當介若有慈心於佛所者大喜當念佛天下久久乃復有佛耳今我於苦世作佛所出經道教授洞達截斷狐疑端心正行拔諸愛欲絕衆惡根本遊步無拘典惣智慧衆道表裏攬持維經照然分明開規五道定正生死泥洹之道佛言若曹從无數劫以來不可復計劫若曹作菩薩道欲過度諸天人民及蛭飛蠕動之類已來其久遠人從若得度者无央數至得泥洹之道者亦無央數若曹乃八方上下諸天帝王人民若比丘比丘尼優婆塞

寒優婆塞若曹宿命從元數劫已來
長轉是五道中死生呼喚更相哭淚
轉相貪慕憂思愁毒痛苦不可言至
今世死生不絕乃今日與佛相見共
會值是乃聞阿彌陀佛聲甚快善我
助汝曹喜亦可自厭死生痛痒生時
甚痛甚苦甚極至年長大亦苦亦極
死時亦痛亦苦亦極甚惡臭處不淨
繫了元有可者佛故慈語若曹若曹
亦可自決斷是處惡露若曹亦可端
心正身蓋作諸善於是常端中外潔
淨身體洗除心垢自相約檢表裏相
應言行忠信人能自度脫轉相扶接
拔諸愛欲精明至心求願不轉結其
善道根本雖精苦一世須臾間耳今
世為善後世生阿彌陀佛國快樂甚
無極長與道德合明然善相保守長
去離惡道痛痒之憂惱拔勤苦諸惡
根本斷諸愛欲思好長生阿彌陀佛
國亦無有諸痛痒亦无復有諸惡臭
處亦无復有勤苦亦無淫泆瞋怒愚
癡亦無有憂思愁毒生於阿彌陀佛
國欲壽一劫十劫百劫千劫萬億劫

自恣意欲住止壽元央數劫不可復
計數劫恣汝隨意皆可得之欲食不
食恣若其意都悉自然皆可得之次
於泥洹之道皆各自精明求索心所
欲願勿得狐疑心中悔欲往生者無
得坐其過失在阿彌陀佛國界邊自
然七寶城中謫五百歲阿逸菩薩言
受佛嚴明重教皆當精進一心求索
請奉行之不敢疑怠
佛告阿逸菩薩等若曹於是世能自
制心正意身不作惡者是為大德善
都有一輩為八方上下眾無有比所
以者何八方上下元央數佛國中諸
天人人民皆自然作善不大為惡易教
化今我於是世間作佛為於五惡五
痛五燒之中作佛為最劇教語人民
令離捨五惡令去五痛令去五燒之
中降化其心令持五善得其福德度
世長壽泥洹之道佛言何等為五惡
何等為五痛何等為五燒中者何等
為消化五惡令得五善者何等為持
五善得其福德長壽度世泥洹之道
佛言其一惡者天人民下至禽獸卵

飛蠕動之屬欲為眾惡强者服弱轉
相剋賊自相煞傷更相食取不知作
善惡逆不道受其殃罰道之自然當往
趣向神明記識犯之不實轉相承續
故有貧窮下賤乞乞孤獨故有瞽盲
瘡癰愚癡慙惡下有狂狂不及逮之
屬故有尊卑豪貴高才明達智慧勇
猛皆其前世宿命為善慈孝布施恩
德故有官事王法牢獄不肯畏慎作
惡入法受其過謫重罰致劇求望解
脫難得度出今世有是目目前現在壽
終有處入其窶冥受身更生比若王
法劇苦極刑故有自然泥犁禽獸薊
茲銷飛蠕動之類轉質身形改惡易
道壽命短長現神精識自然入趣受
形寄胎當獨值向相從共生轉相報
償當相還復殃惡禍罰眾事未盡終
不得離展轉其中世世累劫無有出
期難得解脫痛不可言天地之間自
然有是雖不臨時卒暴應時但取自
然之道皆當善惡歸之是為一大惡
為一痛為一燒勤苦如是愁毒呼喚
比若劇火走燒人身人能自於其中

一心制意端身正行獨作諸善不為
衆惡者身獨度脫得其福德可得長
壽度世上天泥洹之道是為一大善
佛言其二惡者世間帝王長吏人民
父子兄弟家室夫婦略無義理不從
正令奢淫憍慢各欲快意恣心自在
更相欺誣調殊不懼死心口各異言念
無實佞諂不忠諛媚巧辭行不端緒
更相嫉憎轉相讒惡陷人冤枉主上
不明心不察照任用臣下臣下存在
踐度能行知其形施在位不正為其
所調妄損忠良賢善不當天心甚違
道理臣欺其君子欺其父弟欺其兄
婦欺其夫家室中外知識相訟各懷
貪淫心毒瞋怒瞋瞽愚癡欲益無有
尊卑上下無男无女無大无小心俱
同然欲自厚已破家亡身不顧念前
後家室親屬坐之破族或時家中內
外知識朋友鄉黨市里愚民野人轉
更從事共相利害諍財鬪訟忿忿成
仇轉諍勝負慳富焦心不肯施與祝
祝守愛保貪惜坐之思念心勞身苦如
是三竟無所恃怙獨來獨去无一隨

有善惡福德殃禍適罰追命所生或
在樂處或入毒苦然後乃悔當復何
及或時世人愚心少智見善誹謗恚
之不肯慕及但欲為妄作不道但欲
盜竊常懷毒心欲得他人財物用自
供給消散靡盡賜復求索邪心不正
常獨恐怖畏人有色臨時不計事至
乃悔今世現在長吏宰獄自然趣向
受其殃咎世間貧窮乞乞孤獨但坐
前世宿命不信道德不肯為善今世
為惡天神別籍壽終入惡道故有自
然泥犁禽獸薊荔蚘飛蠕動之屬展
轉其中世世累劫无有出期難得解
脫痛不可言是為二大惡為二痛為
二燒勤苦如是比若火起劇於燒人
身人能自於其中一心制意端身正
行獨作諸善不為衆惡者身獨度脫
得其福德可得長壽度世上天泥洹
之道是為二大善

佛言其三惡者諸世間人民寄生相
因共依居天地之間處年壽命无能
幾歲至有豪貴長者賢明善人下有
貧賤羸羸愚者中有不良之人但懷

念毒惡身心不正常念淫泆煩滿留
中受欲交錯坐起不安貪意慳惜欲
損唐得眄睐細色惡態姪泆有婦厭
憎私妄出入持家所有相給為非聚
會飲食專共作惡興兵作賊攻城搭
闖劫煞截斷強奪不道取人財物偷
竊趣得不肯治生所當求者不肯為
之惡心在外不能專作欲繫成事恐
勢迫脅持歸給家共相生治恣心使
意極行作樂行亂他人婦女或於其
親屬不避尊卑長老衆共憎惡家室
中外患而患之亦復不畏縣官法令
無所避錄如是之惡自然牢獄日月
照識神明記取諸神攝錄故有自然
泥犁禽獸薊荔蚘飛蠕動之屬展轉
其中世世累劫无有出期難得解脫
痛不可言是為三大惡為三痛為三
燒勤苦如是比若火起燒人身人能
自於其中一心制意端身正行獨作
諸善不為衆惡者身獨度脫得其福
德可得長壽度世上天泥洹之道是
為三大善

佛言其四惡者諸人不能作善自相

壞敗轉相教令共作衆惡主為傳言
但欲兩舌惡口罵詈妄語相嫉更相
聞亂憎嫉善人敗壞賢善於旁快之
復不孝順供養父母輕易師友知識
無信難得誠實自尊貴有道橫行
威武加權力勢侵剋易人不能自知
為惡不自羞慙自用頑健欲令人承
事畏敬之復不畏敬天地神明日月
亦不可教令作善不可降化自用僵
蹇常當亦復無憂哀心不知恐懼
之意憍慢如是天神記之賴其前世
宿命頗作福德小善扶接營護助之
今世作惡盡賜諸善日去見惡追之
身獨空立無所復依受重殃謫壽命
終身衆惡繞歸自然迫促當往追逐
不得止息自然衆惡共趣頃之有其
名籍在神明所殃各引牽當值相得
自然趣向受過謫罰身心摧碎神形
苦極不得離却但得前行入其火鑊
當是之時悔復何益當復何及天道
自然不得蹉跌故有自然泥犁禽獸
薜荔蝟飛蠕動之屬展轉其中世世
累劫無有出期難得解脫痛不可言

是為四大惡為四痛為四燒勤苦如
是比若火起燒人身人能自於其中
一心制意端身正行獨作諸善不為
衆惡者身獨度脫得其福德可得長
壽度世上天泥洹之道是為四大善
佛言其五惡者世人從倚懈惰不肯
作善不念治生妻子飢寒父母俱然
欲呵教其子其子惡心瞋目應怒言
令不從違戾反逆劇於野人比若然
家不如無子妄遍假貸衆共患厭尤
無復有報償之心窮貧困之不能復
得辜較諧聲放縱遊散串數唐得自
用賑給不畏防禁飲食無極喫酒嗜
美出入無有期度魯扈拉突不知人
情壯吁強制見人有喜憎妬恚之無
義无礼自用識當不可諫曉亦復不
憂念父母妻子有无又復不念平報
父母之德亦復不念師之恩好心常
念惡口常言惡身常行惡口不成就
不信道德不信有賢明先聖不信作
善為道可得度世不信世間有佛欲
煞羅漢闍比丘僧常欲煞人欲煞父
母兄弟妻子宗親朋友父母兄弟妻

子宗親朋友憎惡見之欲使之死不
信佛經語不信人壽命終盡死後世
復生不信作善得善不信作惡得惡
如是曹人男子女人心意俱然違戾
反逆愚癡蒙籠瞋怒嗜欲无所識知
自用仗善大為智慧亦不知所從來
生死所趣向不肯慈孝惡逆天地於
其中間望求僥倖欲得長生射呼不
死會當歸就生死勤苦善惡之道身
所作惡殃各衆趣不得度脫亦不可
降化令作善慈心教語開導死苦善
惡所趣向有是復不信之然苦心與
語欲令度脫无益其人心中間塞意
不開解大命將至至時皆悔其後乃
悔當復何及不豫計作善臨窮何益
天地之間五道各明恢曠窈窕浩浩
汗汗轉相承受善惡毒痛身自當之
無有代者道之自然隨其所行追命
所生不得縱捨善人行善慈孝從樂
入樂從明入明惡人行惡從苦從冥
誰能知者獨佛見知耳教語人民信
用者少死生不休惡道不絕如是世
人不可惡道說故有自然泥犁禽獸

阿彌陀經下卷 第三十五

諸劫無有出期難得解脫痛不可言
是為五大惡五痛五燒為勤苦如是
比若大起燒人身心能自於其中一
心制意端身正行言行相副所作至
誠所語如語心口不轉獨作諸善不
為衆惡者身獨度脫得其福德可得
長壽度世上天泥洹之道是為五大善
佛告阿逸菩薩等我皆語若曹是世
五惡勤苦如是令起五痛令起五燒
展轉相生世間人民不肯為善欲作
衆惡敢欲犯此諸惡事者皆悉自然
當具更歷入惡道中或其今世先被
病殃死生不得亦衆見之壽終趣入
至極大苦愁憂酷毒自相燒然轉相
燒滅至其然後共作怨家更相傷煞
從小微起至大困劇皆從貪嗔財色
不肯忍辱施與各欲自快無復曲直
欲得健名為癡欲所迫隨心思想不
能復得結憤胸中財色縛束无有解
脫不知厭足厚已諍欲無所省錄富
貴榮華當時忍辱不知施善威勢無
幾隨惡名焦身坐勞苦久後大劇自

阿彌陀經下卷 第三十六

然隨逐无有解已王法施張自然糾
舉上下相應羅網網紀榮光松當
入其中古今有是痛哉可傷都无義
理不知正道佛語阿逸菩薩等若世
有是佛皆慈悲哀之威神摧動衆惡
諍事皆消化之令得去惡就善棄捐
所思奉持經戒莫不承受施行經法
不敢違失度世無為泥洹之道使善
極樂佛言若曹諸天帝王人民及後世
人得佛經語熟思惟之能自於其中
端心正行其主上為善率化檢御其
下教衆轉相勸令轉共為善轉相度
脫各自端守慈仁愍哀終身不怠尊
聖敬孝通洞博愛佛語教令无取虧
負當憂度世泥洹之道當憂斷截死
生痛痒拔惡根本當憂斷絕泥犁禽
獸諸葛蜎飛蠕動惡苦之道當易佛
世堅持經道無敢違失佛言若曹當
信者云何第一急當自端身當自端
心當自端目當自端耳當自端鼻當
自端口當自端手當自端足能自檢
緘莫妄動作身心淨潔俱善相應中
外約束勿隨嗜欲不犯諸惡言色當

阿彌陀經下卷 第三十七

和身行當專行步坐起所作當安作
事所為當先熟思慮計之揆度才能
規瞻圓覲安定徐作為之作事倉卒
不豫計熟為之不諦亡其功天敗悔
在後唐苦士身至誠忠信得道絕去
佛言若曹於是益作諸善布恩施德
能不犯道禁忌忍辱精進一心智慧
展轉復相教化作善為德如是經法
慈心專一齋戒清淨一日一夜者勝於在
阿彌陀佛國作善百歲所以者何阿彌
陀佛國皆積德衆善无為自然在所
求索無有諸惡大如毛駿佛言於是
作善十日十夜者其德勝於他方佛
國中人作善千歲所以者何他方
佛國皆志作善作善者多為惡者少
皆有自然之物不行求作便自得之
是間為惡者多作善者少不行求作
不能令得世人能自端制作善至心
求道故能尔耳是間无有自然不能
自給當行求索勤苦治生轉相欺殆
調詐好惡得其財物歸給妻子飲食
毒勞心身苦如是至竟心意不專慙
惛不安人能自安靜為善精進德故
能尔耳佛言我皆哀若曹及諸天帝

王人民皆教令作諸善不為眾惡隨其所能輒授與道教戒開導悉奉行之即君率化為善教令臣下父教其子兄教其弟夫教其婦家室內外親屬朋友轉相教語作善為道奉經持戒各自端守上下相檢无尊無卑無男无女齋戒清淨莫不歡喜和順義理歡樂慈孝自相約檢其有得佛經語志持思之不當作而犯為之即自悔過去惡就善棄邪為正朝聞夕改奉持經戒劇愚得寶佛所行處所在郡國輒授與經戒諸天日月星辰諸神國王旁臣長吏人民諸龍鬼神泥犁禽獸薛荔蚺蛇飛蠕動之屬莫不慈心開解者皆悉敬事從佛稽受經道承奉行之即君改化為善齋戒精思淨自澣洗端心正行居位嚴慄教勅率眾為善奉行道禁令言令正臣孝其君忠直受令不敢違負父子言令孝順承受兄弟夫婦宗親朋友上下相令順言和理尊卑大小轉相敬事以礼如義不相違負莫不改往修來洗心易行端正中表自然作善所願

輒得咸善降化自然之道求欲不死即可得長壽求欲度世即可得泥洹之道佛言佛威神尊德重消惡化善莫不度脫今我出於天下在是惡中於苦世作佛慈愍哀傷教語開導諸天帝王旁臣左右長吏人民隨其心所願樂皆令得道佛諸所行處所經過歷郡國縣邑丘聚市里莫不豐熟天下太平日月運照倍益明好風雨時節人民安寧强不臨弱各得其所无惡歲疾疫無病瘦者兵革不起國无盜賊無有冤枉无有拘閑者君臣人民莫不喜踊忠慈至誠各自端守皆自守國雍和孝順莫不歡喜有无相與布恩施德心歡樂與皆敬愛推讓義謙遜前後以礼敬事如父如子如兄如弟莫不仁賢和順礼節都无違諍快善無極佛言我哀若曹子欲度脫之劇父母念子今八方上下諸天帝王人民及蚺蛇蠕動之類得佛經戒奉行佛道皆得明慧心悉開解莫不得過度解脫憂苦者今我作佛在於五惡五痛五燒之中降化五惡消

盡五痛絕滅五燒以善攻惡拔去毒苦令得五道令得五善明好燒惡不起我般泥洹去後經道稍斷絕人民諛諂稍復為眾惡不復作善五燒復起五痛劇苦復如前法自然還復久後轉劇不可悉說我但為若曹小道之耳佛告阿逸菩薩等若曹各思持之展轉相教戒如佛經法无敢違犯阿逸菩薩長跪叉手言佛道記甚苦痛世人為惡甚劇如是佛皆慈哀悲度脫之皆言受佛重教請展轉相教不敢違犯佛告阿難我哀若曹令悉見阿彌陀佛及諸菩薩阿羅漢所居國土若欲見之不阿難即大歡喜長跪叉手言願皆欲見之佛言若起更被袈裟向西向拜當日所沒處為阿彌陀佛作礼以頭腦著地言南无阿彌陀三耶三佛檀阿難言諾受教即起更被袈裟向西向拜當日所沒處為阿彌陀佛作礼以頭腦著地言南无阿彌陀三耶三佛檀阿難未起阿彌陀佛便大放光明威神則遍八方上下諸无央數佛

國諸無央數諸天地即皆為大震動諸无央數天地須弥山羅摩訶須弥大山羅寶諸天地大界小界其中諸大泥犁小泥犁諸山林溪谷幽冥之處即皆大明悉大開闢即時阿難諸菩薩阿羅漢等諸天帝王人民悉皆見阿彌陀佛及諸菩薩阿羅漢國土七寶已心大歡喜踊躍悉起為阿彌陀佛作礼以頭腦著地皆言南無阿彌陀三耶三佛檀阿彌陀佛國放光明威神以諸无央數天人民及銷飛踊動之類皆悉見阿彌陀佛光明莫不慈心歡喜者諸有泥犁禽獸辟荔諸有考治勤苦之虞即皆休止不復治莫不解脫憂苦者諸有盲者即皆得視諸有聾者即皆得聽諸有喑者即皆能語諸有僕者即得申諸跛痺蹇者即皆行走諸有病者即皆愈起諸羸者即皆強健諸愚癡者即更聰慧諸有淫者皆是梵行諸瞋者悉皆慈心作善諸有被毒者毒皆不行鍾聲琴瑟笙篳樂器諸伎不鼓皆自作五音聲婦女珠璣皆自作聲百鳥畜狩皆自

悲鳴當是時莫不歡喜善樂得過度者即尔時諸佛國中諸天人民莫不持天上華香來下於虛空中悉皆供養散諸佛及阿彌陀佛上諸天各共大作方種自然伎樂樂諸佛及諸菩薩阿羅漢當是之時其快樂不可言佛告阿難阿逸菩薩等我說阿彌陀佛及諸菩薩阿羅漢國土自然七寶儻無有異乎阿難長跪叉手言佛說阿彌陀佛國土快樂善如佛所言无有一異佛言我說阿彌陀佛功德國土快樂善晝夜盡一劫尚復未竟我但為若曹小說之尔阿逸菩薩即長跪叉手問佛言今佛國土從是間當有幾何阿惟越致菩薩往生阿彌陀佛國願欲聞之佛言汝欲知者明聽著心中阿逸菩薩言受教佛言從我國當有七百二十億阿惟越致菩薩皆當往生阿彌陀佛國一阿惟越致菩薩者前後供養无央數諸佛以次如弥勒皆當作佛及其餘諸小菩薩輩者無央數不可復計皆當往生阿彌陀佛國佛告阿逸菩薩不但我國中諸

菩薩當往生阿彌陀佛國他方異國復有佛亦復如是第一佛名頭樓和斯其國有百八十億菩薩皆當往生阿彌陀佛國他方異國第二佛名羅鄰那阿竭其國有九十億菩薩皆當往生阿彌陀佛國他方異國第三佛名朱蹄彼會其國有二百二十億菩薩皆當往生阿彌陀佛國他方異國第四佛名阿蜜蔡羅薩其國有二百五十億菩薩皆當往生阿彌陀佛國他方異國第五佛名樓波梨波蔡羅其國有六百億菩薩皆當往生阿彌陀佛國他方異國第六佛名那惟于蔡其國有萬四千菩薩皆當往生阿彌陀佛國他方異國第七佛名維梨波羅潘蔡羅其國有十五菩薩皆當往生阿彌陀佛國他方異國第八佛名和阿蔡其國有八菩薩皆當往生阿彌陀佛國他方異國第九佛名尸利羣蔡其國有八百一十億菩薩皆當往生阿彌陀佛國他方異國第十佛名那他蔡其國有萬億菩薩皆當往生阿彌陀佛國他方異國第十一

阿彌陀經下卷 第三十五字

佛名和羅那惟于蔡蹠其國有萬二千菩薩皆當往生阿彌陀佛國他方異國第十二佛名沸霸圖耶蔡其國有諸菩薩无央數不可復計皆阿惟越致皆智慧勇猛各供養無央數諸佛以一時俱心願欲往皆當生阿彌陀佛國他方異國第十三佛名隨呵閱祇波多蔡其國有七百九十億菩薩皆當往生阿彌陀佛國佛言是諸菩薩皆阿惟越致諸比丘僧中及小菩薩无央數皆當往生阿彌陀佛國不獨是十四佛國中諸菩薩當往生也都八方上下無央數佛國諸菩薩輩各各是皆當往生阿彌陀佛國甚无央數都共往會阿彌陀佛國大衆多不可計我但說八方上下無央數諸佛名字晝夜一切尚未竟我但復說諸佛國諸比丘僧衆菩薩當往生阿彌陀佛國人數說之一切不休止尚未竟我但為若曹撚攬都小說之介佛語阿難阿逸菩薩等其世間帝王人民善男子善女人前世宿命作善所致相緣魏魏乃當聞阿彌陀佛聲

阿彌陀經下卷 第三十五字

者甚使善哉代之喜佛言其有善男子善女人聞阿彌陀佛聲慈心歡喜一時踊躍心意淨潔衣毛為起淚即出者皆前世宿命作佛道若他方佛故菩薩非九人其有人民男子女人聞阿彌陀佛聲不信有者不信經佛語不信有比丘僧心中狐疑都无所信者皆故從惡道中來生愚癡不解宿命殃惡未盡尚未當度脫故心中狐疑不信向余佛言我語若曹若曹所當作善法皆當奉行信之無得疑我般泥洹去後汝曹及後世人无得復言我不信有阿彌陀佛國我故令若曹悉見阿彌陀佛國土所當為者各求之我具為若曹道說經戒慎法若曹當如佛法持之無得毀失我持是經以累若曹若曹當堅持之无得為妄增減是經法我般泥洹去後經道留止千歲千歲後經道斷絕我皆慈哀持留是經法止住百歲百歲中竟乃休止斷絕在心所願皆可得道佛言師開導人耳目智慧明達度脫人令得善合泥洹之道常當孝慈於佛

阿彌陀經下卷 第三十六字

父母常當念師恩常念不絕即得道疾佛言天下有佛者甚難值若有沙門若師為人說經者甚難值佛說是經時即萬二千億諸天人民皆得天眼徹視悉一心皆為菩薩道即二百億諸天人民皆得阿耨含道即八百沙門皆得阿羅漢道即四十億菩薩皆得阿惟越致佛說經已諸菩薩阿羅漢諸天帝王人民皆大歡喜起為佛作禮遶三匝前以頭面著佛足而去

阿彌陀經卷下

戊戌歲高麗國大藏都監奉

勅彫造